



春秋左氏傳

再刻

一三

服部文庫  
117  
205  
1



春秋左傳集解序

春秋者魯史記之名也。記事者以事繫曰以日繫  
月以月繫時以時繫年所以紀遠近別同異也。故  
史之所記必表年以首事年有四時故錯舉以為  
所記之名也。周禮有史官掌邦國四方之事達四  
方之志諸侯亦各有國史大事書之於策小事簡  
牘而已。孟子曰楚謂之檮杌晉謂之乘而魯謂之  
春秋其實一也。韓宣子適魯見易象與魯春秋曰  
周禮盡在魯矣吾乃今知周公之德與周之所以

王韓子所見蓋周之舊典禮經也周德既衰官失其守上之人不能使春秋昭明赴告策書諸所記注多違舊章仲尼因魯史策書成文考其真偽而志其典禮上以遵周公之遺制下以明將來之法其教之所存文之所害則刊而正之以示勸戒其餘則皆卽用舊史史有文質辭有詳略不必改也故傳曰其善志又曰非聖人孰能脩之蓋周公之志仲尼從而明之左丘明受經於仲尼以爲經者不刊之書也故傳或先經以始事或後經以終義

或依經以辯理或錯經以合異隨義而發其例之所重舊史遺文略不盡舉非聖人所修之要故也身爲國史躬覽載籍必廣記而備言之其文緩其旨遠將令學者原始要終尋其枝葉究其所窮優而柔之使自求之饜而飶之使自趨之若江海之浸膏澤之潤渙然冰釋怡然理順然後爲得也其發凡以言例皆經國之常制周公之垂法史書之舊章仲尼從而修之以成一經之通體其微顯闡幽裁成義類者皆據舊例而發義指行事以正褒

貶諸稱書不書先書故書不言不稱書曰之類皆所以起新舊發大義謂之變例然亦有史所不書卽以爲義者此蓋春秋新意故傳不言凡曲而暢之也其經無義例因行事而言則傳直言其歸趣而已非例也故發傳之體有三而爲例之情有五一曰微而顯文見於此而起義在彼稱族尊君命舍族尊夫人梁亡城緣陵之類是也二曰志而晦約言示制推以知例參會不地與謀曰及之類是也三曰婉而成章曲從義訓以示大順諸所諱辟

璧假許田之類是也四曰盡而不汙直書其事具文見意丹楹刻桷天王求車齊侯獻捷之類是也五曰懲惡而勸善求名而亡欲蓋而章書齊豹盜三叛人名之類是也推此五體以尋經傳觸類而長之附于二百四十二年行事王道之正人倫之紀備矣或曰春秋以錯文見義若如所論則經當有事同文異而無其義也先儒所傳皆不其然答曰春秋雖以一字爲褒貶然皆須數句以成言非如八卦之爻可錯綜爲六十四也固當依傳以爲

斷古今言左氏春秋者多矣今其遺文可見者十  
數家大體轉相祖述進不成爲錯綜經文以盡其  
變退不守丘明之傳於丘明之傳有所不通皆沒  
而不說而更膚引公羊穀梁適足自亂預今所以  
爲異專修丘明之傳以釋經經之條貫必出於傳  
傳之義例總歸諸凡推變例以正褒貶簡二傳而  
去異端蓋丘明之志也其有疑錯則備論而闕之  
以俟後賢然劉子駿創通大義賈景伯父子許惠  
卿皆先儒之美者也未有賴子嚴者雖淺近亦復

名家故特舉劉賈許賴之違以見同異分經之年  
與傳之年相附比其義類各隨而解之名曰經傳  
集解又別集諸例及地名譜第歷數相與爲部凡  
四十部十五卷皆顯其異同從而釋之名曰釋例  
將令學者觀其所聚異同之說釋例詳之也或曰  
春秋之作左傳及穀梁無明文說者以爲仲尼自  
衛反魯脩春秋立素王丘明爲素臣言公羊者亦  
云黜周而王魯危行言孫以辟當時之害故微其  
文隱其義公羊經止獲麟而左氏經終孔丘卒敢

問所安答曰異乎余所聞仲尼曰文王既沒文不在茲乎此制作之本意也歎曰鳳鳥不至河不出圖吾已矣夫蓋傷時王之政也麟鳳五靈王者之嘉瑞也今麟出非其時虛其應而失其歸此聖人所以爲感也絕筆於獲麟之一句者所感而起固所以爲終也曰然則春秋何始於魯隱公答曰周平王東周之始王也隱公讓國之賢君也考乎其時則相接言乎其位則列國本乎其始則周公之祚胤也若平王能祈天永命紹開中興隱公能弘

宣祖業光啓王室則西周之美可尋文武之迹不隊是故因其歷數附其行事采周之舊以會成王義垂法將來所書之王卽平王也所用之歷卽周正也所稱之公卽魯隱也安在其黜周而王魯乎子曰如有用我者吾其爲東周乎此其義也若夫制作之文所以章往考來情見乎辭言高則旨遠辭約則義微此理之常非隱之也聖人包周身之防旣作之後方復隱諱以辟患非所聞也子路欲使門人爲臣孔子以爲欺天而云仲尼素王丘明

素臣又非通論也先儒以為制作三年文成致麟  
既已妖妄又引經以至仲尼卒亦又近誣據公羊  
經止獲麟而左氏小邾射不在三叛之數故余以  
為感麟而作作起獲麟則文止於所起為得其實  
至於反袂拭面稱吾道窮亦無取焉

後序

太康元年三月吳寇始平余自江陵還襄陽解甲  
休兵乃申抒舊意修成春秋釋例及經傳集解始  
訖會汲郡汲縣有發其界內舊冢者大得古書皆  
簡編科斗文字發冢者不以為意往往散亂科斗  
書久廢推尋不能盡通始者藏在秘府余晚得見  
之所記太凡七十五卷多雜碎怪妄不可訓知周  
易及紀年最為分了周易上下篇與今正同別有  
陰陽說而無象象文言繫辭疑于時仲尼造之於

魯尚未播之於遠國也其紀年篇起自夏殷周皆  
三代王事無諸國別也唯特記晉國起自殤叔次  
文侯昭侯以至曲沃莊伯莊伯之十一年十一月  
魯隱公之元年正月也皆用夏正建寅之月爲歲  
首編年相次晉國滅獨記魏事下至魏哀王之二  
十年蓋魏國之史記也推按哀王二十年太歲在  
壬戌是周赧王之十六年秦昭王之八年韓襄王  
之十三年趙武靈王之二十七年楚懷王之三十  
年燕昭王之十三年齊湣王之二十五年也上去

孔丘卒百八十一歲下去今太康三年五百八十  
一歲哀王於史記襄王之子惠王之孫也惠王三  
十六年卒而襄王立立十六年卒而哀王立古書  
紀年篇惠王三十六年改元從一年始至十六年  
而稱惠成王卒卽惠王也疑史記誤分惠成之世  
以爲後王年也哀王二十三年乃卒故特不稱諡  
謂之今王其著書文意大似春秋經推此足見古  
者國史策書之常也又稱魯隱公及邾莊公盟于  
姑蔑卽春秋所書邾儀父未王命故不書爵曰儀



父貴之也。又稱晉獻公會虞師伐虢滅下陽。卽春秋所書虞師晉師滅下陽。先書虞賄故也。又稱周襄王會諸侯于河陽。卽春秋所書天王狩于河陽。以臣召君不可以訓也。諸若此輩甚多。略舉數條以明國史皆承告據實而書時事。仲尼修春秋以義而制異文也。又稱衛懿公及赤翟戰于洞澤。疑洞當爲洞。卽左傳所謂熒澤也。齊國佐來獻玉磬。紀公之麇。卽左傳所謂賓媚人也。諸所記多與左傳符同。異於公羊穀梁。知此二書近世穿鑿。非春秋本意。審矣。雖不皆與史記尚書同。然參而求之。可以端正學者。又別有一卷純集疏。左氏傳卜筮事上下次第及其文義。皆與左傳同名。曰師春師春。似是抄集者人名也。紀年又稱殷仲壬卽位居亳。其卿士伊尹。仲壬崩。伊尹放大甲于桐。乃自立也。伊尹卽位於太甲七年。太甲潛出自桐。殺伊尹。乃立其子伊陟。伊奮命復其父之田宅。而中分之。左氏傳伊尹放大甲而相之。卒無怨色。然則太甲雖見放還。殺伊尹而猶以其子爲相也。此爲大與尚

左氏傳伊尹放大甲而相之。卒無怨色。然則太甲雖見放還。殺伊尹而猶以其子爲相也。此爲大與尚

書敘說大甲事乖異不知老叟之伏生或致昏忘  
將此古書亦當時雜記未足以取審也為其粗有  
益於左氏故略記之附集解之末焉

重刻左氏傳後序  
左氏與公穀匹固勿論矣而左  
氏獨行者以屬辭比事三體五  
情曲臻也至其文所結構依經  
以辨理錯經以合異隨義而發  
例則杜氏更修傳歸凡而原始  
要終微顯闡幽而其義確如也  
是復所以獨行也然而年禩之

久編蒲之所致剗剗之所加紕  
繆已多矣於是乎阿州人那坡  
某務辨魚魯照烏焉校訂研究  
句讀竟歸于正國字旁注全備  
矣既而衆志貴重冠於藝林此  
刻最行焉故未數年舊版已糜  
爛猶尚切劘不倦再刻是謀乃  
介某而謁予言予曰杜氏之有

大造于前若燒犀而照也那坡  
氏之躡影于後若浣質而睨之  
也其所以寡獨行之所自可以  
知也已矣奚借予言固辭不許  
竟書以塞其責云爾

天明丁未冬

天門守山 源賴亮



東江處士源鱗書



春秋左傳卷一

盡十年

杜氏集解



隱公

名息姑惠公之子母聲子諡法不尸其位曰隱

傳惠公元妃孟子

言元妃明始適夫人也承宋姓

孟子卒

不稱薨

也無諡先夫死不得從夫諡

繼室以聲子生隱公

聲諡也蓋孟子之姪婦也

諸侯始娶則同姓之國以姪婦媵元妃死則次妃攝治內事猶不得稱夫人故謂之繼室 宋武

公生仲子仲子生而有文在右手曰為魯夫人故

仲子歸于我

婦人謂嫁曰歸以手理自然成字有若天命故嫁之於魯 生桓公

而惠公薨

言歸魯而生男惠公不以桓生之年薨

是以隱公立而奉

之隱公繼室之子當嗣世以禎祥之故退成父去為桓尚少是以立為太子帥國人奉之為經元

左傳

卷一

一不支而身可賣

年春不書即位傳

**經**元年春王正月隱公之始年周王之正月也凡人君即位欲其體元以居正故

不言一年一月也隱雖不即位然攝行君事故亦朝廟告朔也告朔朝正例在襄二十九年即位例

在隱莊閔三月公及邾儀父盟于蔑附庸之君未傳元年

能自通于大國繼好息民故書字貴之名例在莊五年邾今魯國鄒縣也蔑姑蔑魯地魯國下縣南

有姑夏五月鄭伯克段于鄆不稱國討而言鄭伯譏失教也段不余故

不言余明鄭伯雖失教而段亦凶逆以君討臣而用二君之例者言段強大僞繼據大都以耦國所

謂得僞曰克也國討例在莊二十二年得僞例在莊十一年母弟例在宣十七年鄭在熒陽宛陵縣

西南鄆今潁秋七月天王使宰咺來歸惠公仲子川鄆陵縣

**之贈**宰官嘔名也嘔贈死不及尺帛生不及哀豫凶事故賤而名之此天子大夫稱字之例仲

子者桓公之母婦人無諡故以字配九月及宋人

盟于宿客主無名皆微者也宿小國東平無鹽縣也凡盟以國地者國主亦與盟例在僖十

九年宋今梁冬十有二月祭伯來祭伯諸侯為王國睢陽縣卿士者祭國伯

也釋其不稱使公子益師卒傳例曰公不與小

示薄厚也春秋不以日月為例唯卿佐之喪獨託自以見義者事之得失既未足以褒貶人君然亦

非死者之罪無辭可以寄文而人臣輕賤死日可略故特假日以見義

**傳**元年春王周正月言周以別夏殷不書即位攝也假攝

不脩即位之禮故史不書三月公及邾儀父盟于於策傳所以見異於常

也王未賜命以為諸侯其後儀父服事齊桓以將未王命故不書爵曰儀父貴之

也王室王命以為邾子故莊十六年經書邾子克卒

公攝位而欲求好於邾故為蔑之盟與盟所以夏

四月費伯帥師城郎不書非公命也費伯魯大夫

方與縣東南有郁郎亭傳曰君舉必書然則史之

策書皆君命也今不書於經亦因史之舊法故傳

釋之諸魯事傳釋初鄭武公娶于申曰武姜申國

不書他皆放此陽宛生莊公及共叔段段出奔共故曰共叔猶

公寤生驚姜氏故名曰寤生遂惡之寐寤而莊公

惡愛共叔段欲立之欲立以亟請於武公公弗許

及莊公即位為之請制公曰制巖邑也號叔死焉

他邑唯命號叔東號君也恃制巖險而不脩德鄭

縣請京使居之謂之京城太叔公順姜請使段居

言寵異於眾臣京祭仲曰都城過百雉國之害也

鄭邑今樊陽京縣祭仲曰都城過百雉國之害也

祭仲鄭大夫方丈曰堵三堵曰雉一雉之牆長三

丈高一丈侯伯之城方五里徑三百雉故其大都

不得過先王之制大都不過參國之一三分國中

五之一小九之一今京不度非制也不合法度君

將不堪公曰姜氏欲之焉辟害對曰姜氏何厭之

有不如早為之所使得其無使滋蔓蔓難圖也蔓

蔓章

草猶不可除况君之寵弟乎公曰多行不義必自斃子姑待之斃且也既而大叔命西鄙北鄙貳於己鄙鄭邊邑貳兩屬公子呂曰國不堪貳君將若之何子公

曰鄭大夫欲與大叔臣請事之若弗與則請除之無生民心叔久不除則舉國之民當生他心公曰無庸將自及言無用除之禍

將自及將自及大叔又收貳以為己邑前兩屬者今皆取以為己邑至于廩延言轉侵多也廩延鄭邑陳留酸棗縣北有延津子封曰可矣厚將得衆子封公子呂也厚謂土地廣大公曰不義不暱厚將崩不義於君不親

於兄非衆所附雖厚必崩完城郭聚人民繕甲兵具卒乘步

卒車日乘將襲鄭夫人將啓之啓開也公聞其期曰可矣命子封帥車二百乘以伐京古者兵車一乘甲士三人步卒七十二人

京叛大叔段段入于鄆公伐諸鄆五月辛丑大叔出奔共共國今汲郡共縣書曰鄭伯克段于鄆段不弟故不言弟如二君故曰克稱鄭伯譏失教也謂之鄭志不言出奔難之也傳言夫子作春秋改舊史以明義不早為之所而養成其惡故曰失教段實出奔而以克為文明鄭伯志在於殺難言其奔遂寘姜氏于城

穎城穎地而誓之曰不及黃泉無相見也地中之泉故曰黃泉既而悔之穎考叔為穎谷封人封人典封疆者聞之有獻

左傳

卷一

四

於公公賜之食食舍肉公問之對曰小人有母皆

嘗小人之食矣未嘗君之羹請以遺之食而不啜羹欲以發

問也宋華元殺羊為羹饗士蓋古賜賤官之常公曰爾有母遺繫我獨無

繫語穎考叔曰敢問何謂也據武姜在設疑也公語之故

且告之悔對曰君何患焉若闕地及泉隧而相見

其誰曰不然隧若今延道公從之公入而賦大隧之中

其樂也融融賦詩也融融和樂也姜出而賦大隧之外其

樂也洩洩洩洩舒散也遂為母子如初君子曰穎考叔

純孝也純猶篤也愛其母施及莊公詩曰孝子不匱永

錫爾類其是之謂乎不匱純孝也莊公雖失之於初孝心不忘考叔感而通之所謂永錫爾類詩人之作各以情言君子論之不

以文害意故春秋傳引詩皆不與今說詩者同他皆放秋七月天王使宰咺來歸惠公仲子之賵緩

且子氏未薨故名惠公葬在春秋前故曰緩也子氏仲子也薨在二年賵助喪之物天子七月而葬同軌畢至言同軌以別諸侯五

月同盟至同在方嶽之盟大夫三月同位至古者行役不踰時士

踰月外姻至踰月度月也姻猶親也此言赴贈死

不及凡凡未葬之通稱弔生不及哀諸侯已上既葬則縗麻除無哭位諒闇終

喪豫凶事非禮也仲子在而來贈故曰豫凶事八月紀人伐夷

左傳卷一

五



夷不告故不書

夷國在城陽莊武縣紀國在東莞

命告則書不然則否史不書於策故夫子亦不書于經傳見其事以明春秋例也他皆放此

蜚不為災亦不書

凡物不為災不書又於此發之

者明傳之所據非唯史策兼采簡牘之記他皆放此惠公之季年敗宋師于

黃

黃宋邑陳留外黃縣東有黃城公立而求成焉九月及宋人盟

于宿始通也

經無義例故傳直言其歸趣而已他皆放此

冬十月庚申

改葬惠公公弗臨故不書

以相為大子故隱公讓而不敢為喪主隱攝君

政故據惠公之薨也有宋師大子少葬故有闕是

以改葬衛侯來會葬不見公亦不書

諸侯會葬非禮也不得接

公成禮故不書於策他皆放此衛國在汲郡朝歌縣鄭共叔之亂公孫滑出

奔衛

公孫滑共叔段之子

衛人為之伐鄭取廩延鄭人以王

師號師伐衛南鄙

號西號國也弘農陝縣東南有號城

請師於邾邾

子使私於公子豫

公子豫魯大夫私請師

大豫請往公弗許遂

行及邾人鄭人盟于翼翼邾地不書非公命也新作

南門不書亦非公命也

非公命不書一見者皆與作大事各舉以備文

二月祭伯來非王命也眾父卒

眾父公子益師字

公不與

小斂故不書日

禮卿佐之喪小斂大斂君皆親臨之崇恩厚也始死情之所篤禮之所崇故以小斂為文至於但臨

大斂及不臨其喪亦同不書日

**經** 二年春公會戎于潛戎狄夷蠻皆氏羌之別種也戎而書會者順其俗以

為禮者謂居中國若戎子駒支者 夏五月莒人入

向向小國也譙國龍亢縣東南有向城莒國今城陽莒縣也將卑師少稱人弗地曰入例在襄十

三 無駭帥師入極無駭魯卿極附庸小國無駭不書氏未賜族賜族例在八年

秋八月庚辰公及戎盟于唐高平方與縣北有武唐亭八月無庚辰庚

辰七月九日也 九月紀裂繻來逆女裂繻紀大夫日月必有誤 傳曰卿為君

逆也以別卿自逆也逆女或稱使或不稱使昏禮不稱主人史各隨其實而書非例也他放此 冬

十月伯姬歸于紀無傳伯姬魯女 紀子帛莒子盟

于密子帛裂繻字也莒魯有怨紀侯既昏于魯使大夫盟莒以和解之子帛為魯結好息民故

傳曰魯故也此之內大夫而在莒子上釋字以嘉之也字例在閔元年密莒邑城陽淳于縣東北有

密 十有二月乙卯夫人子氏薨無傳桓未為君仲

讓桓以為太子成其母喪以禮諸侯故經於 鄭人

伐衛凡師有鐘鼓曰伐例在莊二十九年

**傳** 二年春公會戎于潛脩惠公之好也戎請盟公

辭許其脩好而不許其盟 莒子娶于向向姜不安

莒而歸夏莒人入向以姜氏還傳言失昏姻之義凡得失小故經無

異文而傳備其事案文則司空無駭入極費齊父

是非足以為戒他皆放此 司空無駭入極費齊父

勝之魯司徒司馬司空皆卿也齊父費伯也前年城郎今因得以勝極故傳于前年發之

左傳 卷一 七

微下一無創字

請盟秋盟于唐復脩戎好也九月紀裂繻來逆女

卿為君逆也冬紀子帛莒子盟于密魯故也鄭人

伐衛討公孫滑之亂也治元年取廩延之亂

**經**三年春王二月己巳日有食之無傳日行遲一歲一周年月行

疾一月一周天凡十二交會然日月動物雖行度有犬量不能不小有盈縮故有雖交會而不

食者或有頻交而食者唯正陽之月君子忌之故有伐鼓用幣之事今釋例以長歷推經傳明此食

是二月朔也不書朔史失之書朔月例在桓十七年三月庚戌天王崩周平

實以壬戌崩欲諸侯之速至故遠日以赴春秋不書實崩日而書遠日者即傳其偽以懲創臣子之

過也襄二十九年傳曰鄭上卿有事使印段如周會葬今不書葬魯不夏四月辛卯

君氏卒隱不敢從正君之禮故秋武氏子來求購

武氏子天子大夫之嗣也平王喪在殯新王未得行其鬻命聽於冢宰故傳曰王未葬釋其所以稱

父族又不稱使也魯不共奉王喪致令有求經直文以示不敬故傳不復具釋也八月庚

辰宋公和卒稱卒者略外以別內也元年大冬十夫盟於宿故赴以各例在七年冬十

有二月齊侯鄭伯盟于石門來告故書石門齊地或曰濟北盧縣故城

西南濟水之門癸未葬宋穆公無傳魯使大夫會葬故書

君故惡其葬名改赴書也書葬則舉諡稱公者會葬者在據彼國之辭也書葬例在昭六年

**傳**三年春王三月壬戌平王崩赴以庚戌故書之

夏君氏卒聲子也不赴于諸侯不反哭于寢不祔

于姑故不曰薨不稱夫人故不言葬夫人喪禮有

同盟之國一也既葬日中自墓反虞於正寢所謂

反哭于寢二也卒哭而祔於祖姑三也若此則書

曰夫人某氏薨葬我小君某氏此備禮之文也其

或不赴不祔則為不成喪故死不稱夫人薨葬不

言葬我小君某氏反哭則書葬不反哭則

不書葬今聲子三禮皆闕釋例論之詳矣

不書姓

為公故曰君氏不書姓辟正夫人也隱見為君故

鄭武公莊公為平王卿士卿士王卿之執政者

貳于虢虢西虢公亦仕王朝王欲

無之故周鄭交質王子狐為質於鄭鄭公子忽為

質於周王子狐王崩周人將昇虢公政周人遂成

四月鄭祭足帥師取溫之麥秋又取成周之禾四月

今二月也秋今之夏也麥禾皆未熟言取者周鄭

交惡兩相君子曰信不由中質無益也明恕而行

要之以禮雖無有質誰能聞之苟有明信澗谿沼

泚之毛澗水澗也沼池也蘋蘩蕒藻之菜蘩大萍

藜藿藻也藜藿也筐筥錡釜之器方曰筐圓曰筥無

潦之水行潦水可薦於鬼神可羞於王公羞進

況君子結一國之信行之以禮又焉用質通言此

于以采繁于以于以用之  
候之事采于以采蘋南河之  
濱于以采藻于以行潦于以  
筐及筥于以相之維錡及釜

葦洞酌詩大雅也行葦篇義取忠厚也洞昭忠信

也明有忠信之行雖薄物皆可為用武氏子來求賻王未葬也宋

穆公疾召大司馬孔父而屬殤公焉曰先君舍與

夷而立寡人先君穆公兄宣公也與夷宣公子即所屬殤公寡人弗敢忘

若以大夫之靈得保首領以沒先君若問與夷其

將何辭以對請于奉之以主社稷寡人雖死亦無

悔焉對曰羣臣願奉馮也馮穆公子莊公也公曰不可先

君以寡人為賢使主社稷若弃德不讓是廢先君

之舉也豈曰能賢言不讓則不足稱賢光昭先君之令德可

不務乎吾子其無廢先君之功先君以舉賢為功我若不賢是廢之

使公子馮出居於鄭辟殤公也八月庚辰宋穆公卒殤

公即位君子曰宋宣公可謂知人矣立穆公其子

饗之命以義夫命出於義也夫語助商頌曰殷受命咸宜百

祿是荷其是之謂乎詩頌言殷湯武丁受命皆以義故任荷天之百祿也帥義

而行則殤公宜受此命宜荷此祿公子馮不帥父

義忿而出奔因鄭以求入終傷咸宜之福故知人

之稱唯在宣公也殷禮有兄弟相及冬齊鄭盟于石門尋盧之盟也

之車償于濟既盟而遇大風傳記異衛莊公娶于

也十二月無庚戌日誤

齊東宮得臣之妹曰莊姜得臣齊太子也太子不

美而無子衛人所為賦碩人也碩人詩義取莊姜

不見蒼終以無又娶于陳曰厲嬀生孝伯早死陳

子國人憂之陳國其娣戴嬀生桓公莊姜以為己子厲陳姓也

雖為莊姜子然公子州吁嬖人之子也嬖親有寵

而好兵公弗禁莊姜惡之石碯諫曰臣聞愛子教

之以義方石碯衛大夫弗納於邪驕奢淫泆所自邪也

四者之來寵祿過也將立州吁乃定之矣若猶未

也階之為禍言將立為太子則宜早定若夫寵而

不驕驕而能降降而不憾憾而能珍者鮮矣如此

也降其身則必恨恨則且夫賤妨貴少陵長遠聞

親新聞舊小加大小國而加兵於大國淫破義所

謂六逆也君義臣行父慈子孝兄愛弟敬所謂六

順也臣行君去順效逆所以速禍也君人者將禍

是務去而速之無乃不可乎弗聽其子厚與州吁

游禁之不可桓公立乃老老致仕也四年經書州

吁弑其君故傳先經以

**經**四年春王二月莒人伐杞取牟婁無傳書取言

易也例在襄

妨謂有所害也陵謂加尚之間謂居其間使彼疎遠也加亦加陵破  
謂破故淫義不兩立行惡則破善言破也

十三年杞國本都陳留雍丘縣推尋事跡桓六年

淳于公亡國杞似并之遷都淳于信十四年又遷

緣陵襄二十九年晉人城杞之淳于杞又遷戊申

都淳于年婁杞邑城陽諸縣東北有婁鄉

衛州吁弑其君完稱臣弑君臣之非也例在宣四年戊申三月十七日有日而無

月夏公及宋公遇于清遇者草次之期二國各簡其禮若道路相逢遇也清

衛邑濟北東阿縣有清亭宋公陳侯蔡人衛人伐鄭秋鞏帥師

會宋公陳侯蔡人衛人伐鄭公子鞏魯大夫不稱以不義也諸外大夫賡皆稱人至於內大夫賡則皆去族稱各於記事之體他國可言某人而已國

之卿佐不得言魯人此所以為異也鞏溺去九月族傳曰疾之叔孫豹則曰言違命此其例也

衛人殺州吁于濮州吁弑君而立未列於會故不稱君例在成十六年濮陳地水

各冬十有二月衛人立晉衛人逆公子晉而立之善其得衆故不書入於

衛變文以示義例在成十八年

四年春衛州吁弑桓公而立公與宋公為會將

尋宿之盟未及期衛人來告亂夏公及宋公遇于

清宿盟在元年宋殤公之即位也公子馮出奔鄭鄭人

欲納之及衛州吁立將脩先君之怨於鄭謂二年鄭人伐

衛之而求寵於諸侯以和其民諸侯之怨於鄭與之會則不復討

故欲求使告於宋曰君若伐鄭以除君害害謂宋公十馮

君為主做邑以賦與陳蔡從則衛國之願也言舉國之

賦宋人許之於是陳蔡方睦於衛蔡今汝南上蔡縣故宋

公陳侯蔡人衛人伐鄭圍其東門五日而還公問

於衆仲曰衛州吁其成乎衆仲魯大夫對曰臣聞以德

和民不聞以亂亂謂阻兵而安忍以亂猶治絲而棼之也

絲見棼綱蓋所以亂夫州吁阻兵而安忍阻兵無衆安忍無

親衆叛親離難以濟矣恃兵則民殘民殘則衆叛安忍則刑過刑過則親離

夫兵猶火也弗戢將自焚也夫州吁弑其君而虐

用其民於是乎不務令德而欲以亂成必不免矣

秋諸侯復伐鄭宋公使來乞師乞師不書非卿公辭之從

仲之言羽父請以師會之羽父公公弗許固請而行

故書曰翬帥師疾之也諸侯之師敗鄭徒兵取其

禾而還時鄭不車戰州吁未能和其民厚問定君於石

子石子石碛也以州吁不安諮其父石子曰王觀為可曰何以得

觀曰陳桓公方有寵於王陳衛方睦若朝陳使請

必可得也厚從州吁如陳石碛使告于陳曰衛國

編小老夫耄矣無能為也此二人者實弑寡君敢

卽圖之八十曰耄稱國小已老自謙陳人執之而

請蒞于衛請衛人自蒞蒞之九月衛人使右宰醜蒞殺州

阻訓也恃兵以求勝而正代不已安忍行虐事刑殺過度也



吁于濮石碯使其宰孺羊肩涖殺石厚于陳君子  
曰石碯純臣也惡州吁而厚與焉大義滅親其是  
之謂乎子從弑君之賊國之大逆不可不除故衛  
人逆公子晉于邢冬十二月宣公即位晉公子書曰  
衛人立晉眾也

**經**五年春公矢魚于棠書陳魚以示非禮也書棠

北有武唐亭魯侯觀魚臺夏四月葬衛桓公秋衛師入郕將甲師眾  
但稱師此九月考仲子之宮初獻六羽成仲子宮安其主而祭之惠公以仲子手文娶之欲以為夫人諸侯無二嫡蓋隱公成父之志為別立宮也公問羽數故

書羽婦人無諭因姓以名宮邾人鄭人伐宋邾主兵故螟無食

苗心者為災故書冬十有二月辛巳公子彊卒大夫書葬葬不書葬葬

者臣子之事非公家所及宋人伐鄭圍長葛穎川長社縣北有長葛城

**傳**五年春公將如棠觀魚者臧僖伯諫曰凡物不

足以講大事臧僖伯公子彊也僖諡也大事祀與戎其材不足以備

器用則君不舉焉林謂皮革齒牙骨角毛羽也器用軍國之器君將納

民於軌物者也故講事以度軌量謂之軌取材以

章物采謂之物不軌不物謂之亂政亂政亟行所

以敗也言器用眾物不入法度則為不軌不物亂敗之所起故春蒐夏苗秋

事度軌量謂順時狩獵以教戎事也材章物采謂取其皮革以修造器物也下言時田獵治兵振旅以習威儀置此講事也內不列地材不登為則公不射履以奉物也則言川澤之實非君及指言不可視魚辨者乃訓自相配成也

**獮冬狩**蒐索擇取不孕者苗為苗除害也獮殺也

獲則取之**皆於農隙以講事也**各隨時三年而治

**兵入而振旅**雖四時講武猶復三年而大習出日治兵始治其事入日振旅治兵禮也

整衆而還振**歸而飲至以數軍實**飲於廟以數車徒器械及所獲

**昭文章**車服**明貴賤辨等列**等列行伍**順少長**出則

在前還則在**習威儀也鳥獸之肉不登於俎**俎祭

後所謂順也**皮革齒牙骨角毛羽不登於器**謂以飾法**則公**

**不射古之制也若夫山林川澤之實器用之資阜**

**隸之事官司之守非君所及也**士臣卑卑臣與與臣隸言取此雜猥

之物以資器備是**公曰吾將略地焉**孫臏

司之職非諸侯之所親也**遂往陳魚而觀之**陳設

地略摠攝巡行之各傳曰**公大設捕魚之備而觀之**張也

**禮也且言遠地也**矢亦陳也棠實**曲沃莊伯以鄭**

**人邢人伐翼**曲沃晉別封成師之邑在河東聞喜

絳邑縣東邢國**王使尹氏武氏助之翼侯奔隨**尹

武氏皆周世族大夫也晉內相攻伐不告亂故不

書傳具其事為後晉事張本曲沃及翼本未見桓

二年隨**夏葬衛桓公衛亂是以緩**有州吁之亂十

其非**四月鄭人侵衛牧**牧衛邑經書夏四月葬衛

慢也**桓公今傳直言夏而更以**

四月，附鄭人侵衛，牧者於下，事宜得月，以明事之先後，故不復備舉。經文三年，君氏卒其義亦同，他皆放。以報東門之役。東門，在四年。衛人以燕師伐鄭。燕，南

國，今東郡燕縣。鄭祭足、原繁、洩駕以三軍軍其前，使曼伯

與子元潛軍軍其後。燕人畏鄭三軍而不虞，制人

北制，鄭邑，今河南成。北制，鄭邑，今河南成。阜縣也，一名虎牢。六月，鄭二公子以制人敗燕

師于北制。二公子，曼伯子元也。君子曰：不備不虞，不可以師。

曲沃叛王，秋，王命虢公伐曲沃而立哀侯于翼。春

侯奔隨，故衛之亂也。邲人侵衛，故衛師入邲。邲國

平剛父縣，西。南有邲鄉。九月，考仲子之宮，將萬焉。萬，舞也。公問

羽數於衆仲。問執羽人。對曰：天子用八，八八六諸侯

用六，六六三大夫四，四四十一士二，二二四八士

舞，所以節八音而行八風。八音，金石絲竹匏土革。

以八音之器，播八方之風，手之舞之，足之蹈之，節其制而序其情。故自八以下

天子得盡物數，故以八為公從之。於是初獻六羽，始

用六佾也。魯唯文王周公廟得用八，而他公遂因

詳問衆仲，衆仲因明大典，故傳亦因言始用六。宋

人取邾田，邾人告於鄭曰：請君釋憾於宋，敝邑為

道。釋四年再見伐之恨。鄭人以王師會之。王師不書，伐宋入

其郟以報東門之役郟郭也東門宋人使來告命

策命告命公聞其入郟也將救之問於使者曰師何及

對曰未及國公知之而故公怒乃止辭使者曰君

命寡人同恤社稷之難今問諸使者曰師未及國

非寡人之所敢知也為七年公伐郟傳冬十二月辛巳臧

僖伯卒公曰叔父有憾於寡人諸侯稱同姓大夫長曰伯父少曰叔

父有恨恨諫寡人弗敢忘葬之加一等加命服宋

人伐鄭圍長葛以報入郟之役也

六年春鄭人來渝平和而不盟曰平夏五月辛酉公會

齊侯盟于艾泰山牟縣東南有艾山秋七月雖無事而書首

冬宋人取長葛秋取冬乃告也上有伐鄭皆放此圍長葛鄭邑可知故

不言鄭也前年冬圍不克而還今冬乘長葛無備而取之言易也

六年春鄭人來渝平更成也渝變也公之為公

所執逃歸怨鄭鄭伐宋公欲救宋宋使者失辭公怒而止忿宋則欲厚鄭鄭因此而來故經書渝平

傳曰翼九宗五正頃父之子嘉父逆晉侯于隨晉翼

舊都也唐叔始封受懷姓九宗職官五正遂世為晉強家五正五官之長九宗一姓為九族也頃父

之子嘉父納諸鄂晉人謂之鄂侯鄂晉別邑諸地名疑者皆言有

以示不審闕者不復記其闕他皆放此前年桓夏王立此侯之子於翼故不得復入翼別居鄂

盟于艾始平于齊也

春秋前魯與齊不平今乃弃惡結好故言始平于齊

五月庚申鄭伯侵陳大獲往歲鄭伯請成于陳

成猶

也平陳侯不許五父諫曰親仁善鄰國之寶也君其

許鄭五父陳陳侯曰宋衛實難可畏鄭何能為遂

不許君子曰善不可失惡不可長其陳桓公之謂

乎長惡不悛從自及也悛止也雖欲救之其將能

乎商書曰惡之易也如火之燎于原不可鄉邇

盤庚言惡易長如火焚原野不可鄉邇其猶可撲滅言不可撲滅周任有

言周任周大夫曰為國家者見惡如農夫之務去草焉

芟夷蕝崇之絕其本根勿使能殖則善者信矣

芟

也夷殺也蕝積也崇聚也秋宋人取長葛冬京師來告饑公為

之請糴於宋衛齊鄭禮也告饑不以王命故傳言京師而不書於經也雖

非王命而公共以稱命已國不足旁請鄰國故曰禮也傳見隱之賢鄭伯如周始朝

桓王也桓王即位周鄭交惡至是乃朝故曰始王不禮焉周桓公言

於王曰我周之東遷晉鄭焉依周桓公周公黑肩也周采地扶風雍

縣東北有周城幽王為犬戎所殺平王東徙善鄭

以勸來者猶懼不也況不禮焉鄭不來矣為

五年諸侯從王伐鄭傳

**經**七年春王三月叔紀歸于紀無傳叔姬伯姬之婦也至是歸者待

年於父母國不與嫡俱行故書**滕侯卒**傳例曰不書名未同盟也

**夏城中丘**城例在莊二十九年中丘在琅邪臨沂縣東北**齊侯使其弟年**

**來聘**諸聘皆使卿執玉帛以相存問例在襄九年**秋公伐邾冬天王使**

**凡伯來聘**凡伯周卿士凡國伯爵也戎伐凡伯于

**楚丘以婦**戎鳴鐘鼓以伐天子之使見夷狄強聽言以婦非執也楚丘衛地在濟陰成武縣西南

**傳**七年春滕侯卒不書名未同盟也凡諸侯同盟

於是稱名故薨則赴以名亦以名告同盟**告終**

**稱嗣也以繼好息民**告亡者之終稱嗣位之去嗣位之主當奉而不忘故曰繼

好下同則和親故曰息民謂之禮經此言凡例乃周公所制禮

日不書於策明禮經皆當書於策仲尼脩春秋皆承策為經明之傳博采衆記故始開凡例特顯

此二句他皆放此**夏城中丘書不時也齊侯使夷仲年來**

**聘結艾之盟也**艾盟在六年**秋宋及鄭平七月庚申盟**

**于宿公伐邾為宋討也**公距宋而更與鄭平欲以鄭為援今鄭復與宋盟故

懼而伐邾欲以求宋故曰為宋討**初戎朝于周發幣于公卿凡伯**

**弗賓**朝而發幣於公卿如冬王使凡伯來聘還戎

**伐之于楚丘以歸**傳言凡伯陳及鄭平六年鄭侵所以見伐陳大獲今

乃十二月陳五父如鄭洺盟洺臨也壬申及鄭伯盟

敵如忘志不在於敵血洺伯曰五父必不免不賴盟矣洺伯

鄭洺洺大夫鄭良佐如陳洺盟良佐鄭大夫辛巳及陳侯盟亦

知陳之將亂也入其國觀其政治故總言之也皆為桓五年六年陳亂蔡人殺陳侯

傳鄭公子忽在王所故陳侯請妻之以忽有王寵故鄭伯

許之乃成昏為鄭忽失齊昏援以至出奔傳

**經**八年春宋公衛侯遇于垂垂衛地濟陰句陽三縣東北有垂亭

月鄭伯使宛來歸祊宛鄭大夫不書氏未賜族祊鄭祀泰山之邑在琅邪費縣

庚寅我入祊桓元年乃卒易祊田知此入祊未肯受而有之夏六月己

亥蔡侯考父卒無傳襄六年傳曰杞桓公卒始赴以各同盟故也諸侯同盟稱各者

非唯見在位一君也嘗與其父同盟則亦以名赴其子亦所以繼好也蔡未與隱盟蓋春秋前與惠

公盟故辛亥宿男卒無傳元年宋魯大夫盟于宿宿與盟也晉荀偃禱河稱齊

晉君各然後自稱名知雖大夫出盟亦當先稱已君之名以啓神明故薨皆從身盟之例當告以名

也傳例曰赴以名則亦書之不然則否辟不敏也今宿赴不以名故亦不書名諸例或發於始事或

發於後者因宜有所異同亦或丘明所得記注本來不能皆備故秋七月庚午宋

公齊侯衛侯盟于瓦屋齊侯尊宋使主會故宋公序齊上瓦屋周地八

月葬蔡宣公無傳三月九月辛卯公及莒人盟于

浮來莒人微者不嫌敵公侯故直稱公例在僖二十九年浮來紀邑東莞縣北有邳鄉邳鄉西

有公來山號蟻無傳冬十有二月無駭卒公不與小斂故

不書賜族故不書氏

**傳**八年春齊侯將平宋衛平宋衛於鄭有會期宋公以

幣請於衛請先相見宋敬齊命衛侯許之故遇于犬丘

犬丘垂也鄭伯請釋泰山之祀而祀周公以泰山

之祊易許田三月鄭伯使宛來歸祊不祀泰山也

成王營王城有遷都之志故賜周公許田以為魯國朝宿之邑後世因而立周公別廟焉鄭桓公周宣王之母弟封鄭有助祭泰山湯沐之邑在祊鄭以天子不能復巡狩故欲以祊易許田各從本國所近之宜恐魯以周公別廟為疑故云已廢泰山之祀而欲為魯祀周公孫辭以有求也許田近許

之夏號公忌父始作卿士于周周人於此四月甲

辰鄭公子忽如陳逆婦媯辛亥以媯氏歸甲寅入

于鄭陳鍼子送女先配而後祖鍼子曰是不為夫

婦誣其祖矣非禮也何以能育鍼子陳大夫禮逆婦必先告祖廟而

後行故楚公子圍稱告莊共之廟鄭忽先逆婦而後告廟故曰先配而後祖齊人卒平

宋衛于鄭秋會于濫盟于瓦屋以釋東門之役禮

也會濫不書不以告也定國息民故曰禮也八月

丙戌鄭伯以齊人朝王禮也言鄭伯不以號公得政而背王故禮之齊

稱人略從國辭上有七月庚午下有九月辛卯則八月不得有丙戌公及莒人盟于



浮來以成紀好也二年紀莒盟于密為魯故今公尋之故曰以成紀好冬齊

侯使來告成三國齊侯冬來告稱秋和三國公使眾仲對曰君

釋三國之圖以鳩其民君之惠也寡君聞命矣敢

不承受君之明德鳩集也無駭卒羽父請諡與族公

問族於眾仲眾仲對曰天子建德立有德以因生

以賜姓因其所由生以賜姓謂若昨之土而命之

氏報之以土而命氏曰陳諸侯以字諸侯位卑不得賜姓故其臣因氏其王父字

為諡因以為族或便即先人之諡稱以為族官有世功則有官

族邑亦如之謂取其舊官舊邑之稱以為族皆稟之時登公命以字為

展氏諸侯之子稱公子公子之子稱公孫公孫之子以王父字為氏無駭公子展之孫故為展氏

**經**九年春天王使南季來聘無傳南季天子大夫也南氏季字也

月癸酉大雨震電庚辰大雨雪三月今挾卒無傳

大夫未夏城郎秋七月冬公會齊侯于防防魯地

華縣九年春王三月癸酉大雨霖以震書始也書始

雨庚辰大雨雪亦如之書時失也夏之五月微陽始出未可震電

既震電又不當大凡雨自三日以往為霖此解經

雨雪故皆為時失

而經無霖平地尺為大雪夏城郎書不時也宋公

不王不共鄭伯為王左卿士以王命討之伐宋宋

以入郭之役怨公不告命入郭在五年公以七年

不和公怒絕宋使秋鄭人以王命來告伐宋致王

命也伐宋未得志故復更告之冬公會齊侯于防謀伐宋也北戎

侵鄭鄭伯禦之患戎師曰彼徒我車懼其侵軼我

也徒步兵也公子突曰使勇而無剛者嘗寇而速

去之公子突鄭厲公也嘗試也君為三覆以待之

覆伏兵也戎輕而不整貪而無親勝不相讓敗不相救

先者見獲必務進進而遇覆必速奔後者不救則

無繼矣乃可以逞逞解從之戎人之前遇覆者奔

祝聃逐之祝聃鄭大夫衷戎師前後擊之盡燼為三部

聃帥勇而無剛者先犯戎而速奔以過二伏兵至

後伏兵起戎還走祝聃反逐之戎前後及中三處

受敵故曰衷戎師大奔後駐軍不十一月甲寅鄭

人大敗戎師此皆春秋時事雖經無正文所謂必

**經**十年春王二月公會齊侯鄭伯于中丘傳言正

丑盟釋例推經傳日月癸丑是夏鞏帥師會齊人

正月二十六日知經二月誤

鄭人伐宋

公于鞮不待公命而貪會二國之君疾其專進故去氏齊鄭以公不至故亦更

宋師于營

齊鄭後期故公獨敗宋師書敗宋未陳也敗例在莊十一年營宋地 辛未

取郕辛巳取防

鄭後至得郕防二邑歸功于魯故書取明不用師徒也濟陰成武縣

衛人伐戴鄭伯伐取之

三國伐戴鄭伯因其不和伐而取之書伐用師徒也

冬十月壬午齊人鄭人入郕

入郕

**傳**十年春王正月公會齊侯鄭伯于中丘癸丑盟

于郕為師期

尋九年會于防謀伐宋也公既會而盟盟不書非後也蓋公還告會而不

告盟

夏五月羽父先會齊侯鄭伯伐宋

明非公會

本期釋鞮

六月戊申公會齊侯鄭伯于老桃

會不書不

告于廟也老桃宋地六月無戊申戊申五月二十三日誤

壬戌公敗宋師于

營庚午鄭師入郕辛未歸于我庚辰鄭師入防辛

巳歸于我

壬戌六月七日庚午十五日庚辰二十日鄭伯後期而公獨敗宋師故鄭頻

獨進兵以入郕防入而不有命魯取之推功上爵讓以自替不有其實故經但書魯取以成鄭志善

也君子謂鄭莊公於是乎可謂正矣以王命討不

庭

下之事上皆成禮於庭中 不貪其土以勞王爵正之體也

敘其勤以答之諸侯相朝逆之以饗餼謂之蔡人

衛人邾人不會王命不伐也秋七月庚寅鄭師入郊

猶在郊鄭師還駐兵於遠郊宋人衛人入鄭宋衛奇兵乘虛入鄭蔡人

從之伐戴從宋衛伐戴也八月壬戌鄭伯圍戴癸亥克之

取三師焉三國之軍在戴故鄭伯合圍之師者軍旅之通稱宋衛既入鄭

而以伐戴召蔡人伐戴乃召之蔡人怒故不和而敗鄭

取之也九月戊寅鄭伯入宋報入鄭也九月無戊寅易也

冬齊人鄭人入邾討違王命也

**經**十有一年春滕侯薛侯來朝諸侯相朝例夏公在文十五年夏公

會鄭伯于時來時來邾也熒陽縣東有釐城鄭地也秋七月壬午公

及齊侯鄭伯入許與謀曰及還使許叔居之故不言滅也許潁川許昌縣冬

十有一月壬戌公薨實弒書薨又不地者史策所諱也

**傳**十一年春滕侯薛侯來朝爭長薛魯國薛縣薛侯曰

我先卦薛祖奚仲夏所卦在周之前滕侯曰我周之十正也十

官長薛庶姓也我不可以後之庶姓非周之同姓公使羽

父請於薛侯曰君與滕君辱在寡人周諺有之曰

山有木工則度之賓有禮主則擇之擇所宜而行之周之

宗盟異姓為後盟載書皆先同姓例在定四年寡人若朝于薛不

敢與諸任齒薛任姓齒列也君若辱賜寡人則願以滕君

為請薛侯許之乃長滕侯夏公會鄭伯于邾謀伐

許也鄭伯將伐許五月甲辰授兵於太宮大宮鄭祖廟

公孫闕與潁考叔爭車公孫闕鄭大夫潁考叔挾輶以走

輶輶車也子都拔棘以逐之子都公孫闕棘戟也及大逵弗及子

都怒逵道方九軌也秋七月公會齊侯鄭伯伐許庚辰傅

于許傅于許城下潁考叔取鄭伯之旗蝥弧以先登蝥弧

子都自下射之顛顛隊而死瑕叔盈又以蝥弧登瑕叔

周麾而呼曰君登矣周麾也麾招也鄭師畢登壬午

遂入許許莊公奔衛奔不書兵亂遁逃未知所托齊侯以許讓

公公曰君謂許不共不共職故從君討之許既伏其

罪矣雖君有命寡人弗敢與聞乃與鄭人鄭伯使

許大夫百里奉許叔以居許東偏許叔許莊公之弟東偏東鄙也

曰天禍許國鬼神實不逞于許君而假手于我寡

人借手于我寡德之人以討許寡人唯是一二父兄不能共億

其敢以許自為功乎寡人有弟不能和協而使餽其口於四方弟共叔段也餽齎也

况能久有許乎吾子其奉許叔以撫柔此民也吾

左傳卷一

將使獲也佐吾子公孫獲若寡人得沒于地以

終天其以禮悔禍于許言天加禮於許而悔禍之無寧茲許公

復奉其社稷無寧寧也唯我鄭國之有請謁焉如

舊昏媾謂告也婦之父其能降以相從也降降心也無

滋他族實偏處此以與我鄭國爭此土也吾子孫

其覆亡之不暇而況能禋祀許乎禋齊以享謂之禋祀謂許山川

之寡人之使吾子處此不惟許國之為亦聊以固

吾圍也圍邊垂也乃使公孫獲處許西偏曰凡而器用

財賄無實於許我死乃亟去之吾先君新邑於此

此今河南新鄭舊鄭在京兆王室而既卑矣周之子孫日失其

序鄭亦周之子孫夫許大岳之胤也大岳神農之後堯四岳也胤繼也天

而既厭周德矣吾其能與許爭乎君子謂鄭莊公

於是乎有禮禮經國家定社稷序民人利後嗣者

也許無刑而伐之服而舍之刑法度德而處之量

力而行之相時而動無累後人我死乃亟去之無累後人可謂

知禮矣鄭伯使卒出殓行出大雞以詛射潁考叔

者百人為卒二十五人為行行亦卒之行列疾射潁考叔者故令卒及行間皆詛之君子

謂鄭莊公失政刑矣政以治民刑以正邪既無德

政又無威刑是以及邪大臣不睦又不用刑於邪人邪而誚之

將何益矣王取鄆劉二邑在河南緱氏縣西南有鄆聚西北有劉亭焉耶

之田于鄭焉耶鄭二邑而與鄭人蘇忿生之田蘇忿生周武王

司寇蘇公也溫今溫縣在沁水原在野王樊一名陽樊野王縣西南

南有隰郟在懷縣西南攢茅在脩武縣北向軹縣西有地名向盟今

津州今州屬及郡餘皆屬河內陘在脩武縣北潰在脩武縣北懷今懷縣凡十二邑皆

德之則也禮之經也已弗能有而以與人之不

至不亦宜乎蘇氏叛王十二年王所不能鄭息有

君子是以知桓王之失鄭也怒而行之

違言以言語相違恨息侯伐鄭鄭伯與戰于竟息師大敗

而還息國汝南新息縣君子是以知息之將亡也不度德

賢鄭莊不量力息國不親親鄭息同不徵辭不察有

罪以審曲直不宜輕關犯五不韙而以伐人其

喪師也不亦宜乎是冬十月鄭伯以虢師伐宋

壬戌大敗宋師以報其入鄭也入鄭在十年宋不告命

故不書凡諸侯有命告則書不然則否命春國之大事政令

也承其告辭史乃書之于策若所傳聞行言非將君命則記在簡牘而已不得記於典策此蓋周禮

之舊制師出臧否亦如之臧否謂善惡得失也滅而告敗勝而告克此皆互言

不須兩告乃書雖及滅國滅不告敗勝不告克不書于策

羽父請殺桓公將以求大宰大宰官各公曰為其少故

也吾將授之矣授桓位使營菟裘吾將老焉菟裘魯邑在秦

山梁父縣南不欲復居魯朝故別營外邑羽父懼反譖公于桓公而請

弑之公之為公子也與鄭人戰于狐壤止焉內諱獲故

言止狐壤鄭地鄭人囚諸尹氏尹氏鄭大夫賂尹氏而禱於其

主鍾巫主尹氏所主祭遂與尹氏歸而立其主立鍾巫於魯十

一月公祭鍾巫齊于社圃社圃園各館于寫氏館舍也寫氏魯

夫大壬辰羽父使賊弑公于寫氏立桓公而討寫氏

有死者欲以弑君之罪加寫氏而復不能正法誅之傳言進退無據不書葬不

成喪也桓弑隱篡立故喪禮不成也

春秋左傳卷一



春秋左傳卷二 八年

桓公

名軌惠公之子隱公之弟仲子史記亦名允諡法辟土服遠曰桓

**經**

元年春王正月公即位

元必踰年者繼父之嗣子位定於初喪而改

業成父之志不忍有變於中年也諸侯每歲首必有禮於廟諸遭喪繼位者因此而改元正位百官以序故國史亦書即位之事于策桓公篡立而用常禮欲自同於遭喪繼位者釋例論之備矣

三月公會鄭伯于垂鄭伯以璧假許田夏四月丁

未公及鄭伯盟于越

公以篡立而脩好於鄭鄭困而迎之成禮于垂終易二田

然後結盟垂犬丘衛地也越近垂地各鄭求祀周公魯聽受祓田令鄭廢泰山之祀知其非禮故以璧假為文秋大水 書災也傳例曰凡冬十月

左傳

卷二

一邱皮而自可賣

**傳**元年春公即位脩好于鄭鄭人請復祀周公卒

易枋田事在隱八年公許之三月鄭伯以璧假許田為

周公枋故也魯不宜聽鄭祀周公又不宜易取枋

稱璧假言若進璧也夏四月丁未公及鄭伯盟于越

以假田非久易也結枋成也結成易二田之事也傳盟曰渝盟無享

國渝變也秋大水凡平原出水為大水廣平曰原冬鄭伯

拜盟鄭伯若自來則經不書若遣使則宋華父督

見孔父之妻于路華父督宋戴公孫也目逆而送

之曰美而豔色美曰豔

**經**二年春王正月戊申宋督弑其君與夷及其大

夫孔父稱督以弑罪在督也孔父稱名者內不能治其閨門外取怨於民身死而禍及其君

滕子來朝無傳隱十一年稱侯今三月公會齊侯

陳侯鄭伯于稷以成宋亂成平也宋有弑君之亂故為會欲以平之稷宋地

夏四月取郕大鼎于宋戊申納于大廟宋以鼎賂公大

廟周公廟也始欲平宋之亂終於秋七月杞侯來

朝公即位蔡侯鄭伯會于鄧潁川召陵縣西南有鄧城九月入

杞不稱主帥微者公及戎盟于唐冬公至自唐傳

日告于廟也特相會故致地也凡公行還不書至者皆不告廟也隱不書至謙不敢自同於正君書

勞策

**傳**二年春宋督攻孔氏殺孔父而取其妻公怒督

懼遂弑殤公君子以督為有無君之心而後動於

惡雖有君若無也故先書弑其君會于稷以成宋亂為賂

故立華氏也經稱平宋亂者蓋以魯君受賂立華氏貪縱之甚惡其指斥故遠言始與

齊陳鄭為會之本意也傳言為賂故立華氏明經本書平宋亂為公諱諱在受賂立華氏也猶壁假

許田為周公初故所謂婉而成宋殤公立十年十

一戰殤公以隱四年立十年民不堪命孔父嘉為司

馬督為大宰故因民之不堪命先宣言曰司馬則

然言公之數戰則司馬使爾嘉孔父字已殺孔父而弑殤公召莊公

于鄭而立之以親鄭莊公公子馮也隱三年出居于鄭馮入宋不書不告也

以部大鼎賂公部國所造器也故繫名於部齊陳

鄭皆有賂故遂相宋公夏四月取部大鼎于宋戊

申納于大廟非禮也臧哀伯諫曰臧哀伯魯大夫僖伯之子君

人者將昭德塞違以臨照百官猶懼或失之故昭

令德以示子孫是以清廟茅屋以茅飾屋著儉也清廟肅然清靜之

稱大路越席大路玉路祀天也越席結草大羹不致大羹肉汁不致五味

粢食不蠶黍稷曰粢不精蠶昭其儉也此四者皆示儉衮冕黻珽

左傳

卷二

衮畫衣也冕冠也黻韋鞞以蔽膝也延玉笏也若令吏之持簿帶裳幅舄也衣下

曰裳幅若令行衡紘紘紘者紘維持冠者紘冠之垂

冠上昭其度也尊甲各藻率鞞鞞藻率以韋為之

五采公侯伯三采子男二鞞鞞鞞以藉玉也王

鞞鞞佩刀削上飾鞞下飾鞞鞞鞞以藉玉也王

帶之垂者游旌旗之游昭其數也尊甲各火龍黼

黼火畫火也龍畫龍也白與黑謂之黼黼兩已相戾昭其文也

以文章五色比象昭其物也車服器械之有五色

以示器物錫鸞和鈴昭其聲也錫在馬額鸞在鑣

不虛設和在三衡鈴在旌動者有三辰旂旗昭其明也三辰日月星也畫夫德

儉而有度登降有數登降謂上文物以紀之聲明

以發之以臨照百官百官於是乎戒懼而不敢易

紀律今滅德立違謂立華督而寘其賂器於大廟

以明示百官百官象之其又何誅焉國家之敗由

官邪也官之失德寵賂章也郕鼎在廟章孰甚焉

武王克商遷九鼎于雒邑九鼎殷所受夏九鼎也

後去之又遷九鼎焉時但營雒邑未有都城至周

成王定鼎成王定鼎義士猶或非之蓋伯夷而況將昭違亂

之賂器於大廟其若之何公不聽周內史聞之曰

臧孫達其有後於魯乎君違不忘諫之以德內史大

夫官也僖伯諫隱觀魚其子哀伯諫桓納秋七月

杞侯來朝不敬杞侯歸乃謀伐之蔡侯鄭伯會于

鄧始懼楚也楚國今南郡江陵縣北紀南城也楚

姓近楚故九月入杞討不敬也公及我盟于唐脩

舊好也惠隱冬公至自唐告于廟也凡公行告于

宗廟反行飲至舍爵策勳焉禮也爵飲酒器也既

勞於策言速特相會往來稱地讓事也特相會公

也自參以上則往稱

地來稱會成事也成會初晉穆侯之夫人姜氏以

條之役生大子命之曰仇條晉地大子文侯也其

弟以千畝之戰生命之曰成師桓叔也西河界休

意取能師服曰異哉君之名子也師服晉大夫夫名以

制義名之必義以出禮禮從禮以體政政以政以

正民是以政成而民聽易則生亂則亂生也嘉耦

曰妯娌耦曰仇古之命也自古有今君命大子曰

仇弟曰成師始兆亂矣兄其替乎穆侯愛少子桓

為各所附意異故師服知桓叔之黨惠之二十四

必盛於晉以傾宗國故因名以諷諫

年晉始亂故封桓叔于曲沃惠魯惠公也晉文侯卒子昭侯元年危不自安封成師靖侯之孫欒賓傳之靖侯桓叔之高

為曲沃伯師服曰吾聞國家之立也本大而末小是

以能固故天子建國立諸侯也諸侯立家卿大夫稱家卿置

側室側室衆子也大夫有貳宗適子為小宗次者為貳宗以相輔貳

士有隸子弟士卑自以其子弟為僕隸庶人工商各有分親皆

有等衰庶人無復尊卑以親疏為分別也衰殺也是以民服事其上而

下無覬覦下不冀望上位今晉甸侯也而建國本既弱矣

其能久乎諸侯而在甸服者惠之三十年晉潘父弑昭侯

而納桓叔不克潘父晉大夫也昭侯文侯下晉人立孝侯昭侯子也

惠之四十五年曲沃莊伯伐翼弑孝侯莊伯桓叔子翼晉國

所都翼人立其弟鄂侯鄂侯生哀侯鄂侯以隱五年奔隨其年秋王

立哀侯于翼哀侯侵陘庭之田陘庭翼南鄙邑陘庭南鄙啓曲

沃伐翼

三年春正月公會齊侯于嬴經之首時必書王明此歷末

之所班也其或廢法違常失不班歷故不書王嬴齊邑今泰山嬴縣夏齊侯衛侯胥

命于蒲申約言以相命而不歆血也六月公會杞

侯于郟秋七月壬辰朔日有食之既無傳既盡也歷家之說謂

日光以望時，暹奪月光，故月食。日月同會，月奄日，故日食。食有上下者，行有高下。日光輪存，而中食者，相奄密，故日光溢，出皆既者，正相當，而相奄間疏也。然聖人不言月食，日而以自食為文者，闕於所不。公子翬如齊逆女，禮君有故，則使卿逆。九月，齊侯送姜

氏于謹。謹魯地，濟北蛇丘縣，西有下謹亭，已去公

會齊侯于謹。無傳，告於廟也。夫人姜氏至自齊。不言翬以至者，

齊侯送之，公受之於謹。冬，齊侯使其弟年來聘，有年。無傳，五穀皆熟。

年書有。

**三年春，曲沃武公伐翼，次于陘庭，韓萬御戎，梁**

**弘為右。**武公，曲沃莊伯子也。韓萬，莊伯弟也。御，戎僕也。右，戎車之右。逐翼侯于

汾隰。汾隰，汾水邊。驂絀而止。驂，馬。夜獲之，及欒共叔。共叔，桓叔之傅，欒賓之子也。身傅翼侯，父于各殉，所奉之主，故并見獲而死。會于贏成昏

于齊也。公不由媒，介自與齊侯會，而成昏，非禮也。夏，齊侯衛侯胥命于

蒲，不盟也。公會杞侯于郕，杞求成也。二年入杞，故今來求成。

秋，公子翬如齊逆女，修先君之好，故曰公子。昏禮雖秦

時君之命，其言必稱先君，以為禮辭。故公子翬逆女，傳稱修先君之好，公子遂逆女，傳稱尊君命，其

義。齊侯送姜氏，非禮也。凡公女嫁于敵國，姊妹

則上卿送之，以禮於先君。公子則下卿送之，於大

國。雖公子亦上卿送之，於天子則諸卿皆行，公不

左傳 卷二

自送於小國則上大夫送之冬齊仲年來聘致夫

人也古者女出嫁又使大夫隨加聘問存謙敬序殷勤也在魯而出則曰致女在他國而來則

致夫人聘故傳以芮伯萬之母芮姜惡芮伯之多寵

人也故逐之出居于魏為明年秦侵芮張本芮國在馮翊臨晉縣魏國河東

河北

**經**四年春正月公狩于郎冬獵曰狩行三驅之禮得田狩之時故傳曰書

時禮也周之春夏之冬也田狩從夏天王使宰渠

伯糾來聘宰官渠氏伯糾名也王官之宰當以才授位而伯糾攝父之職出聘列國故書

名以譏之國史之記必書年以集此公之事書首時以成此年之歲故春秋有空時而無事者今不

書秋冬首凡史闕文他皆倣此

**傳**四年春正月公狩于郎書時禮也郎非狩地故唯時合禮

夏周宰渠伯糾來聘父在故名秋秦師侵芮敗焉

小之也秦以芮小輕之故為芮所敗冬王師秦師圍魏執芮伯

以歸三年芮伯出居魏芮更立君秦為芮所敗故以芮伯歸將欲納之

**經**五年春正月甲戌巳丑陳侯鮑卒未同盟而書名者來赴

名故也甲戌前年十二月二十一日巳丑此年正月六日陳亂故再赴赴雖日異而皆以正月起文

故但書正月慎疑夏齊侯鄭伯如紀外相朝皆言

審事故從赴兩書天王使仍叔之子來聘仍叔天子之大

紀人懼而來告故書



本於父字幼弱之辭  
也譏使童子出聘  
葬陳桓公無傳城祝丘無傳齊

紀秋蔡人衛人陳人從王伐鄭王自為伐鄭之主

敗不書傳例曰書不時螽無傳蝻屬為災故書冬州

公如曹不書奔以朝出也為下實來

五年春正月甲戌巳丑陳侯鮑卒再赴也於是

陳亂文公子佗殺大子免而代之佗桓公弟五父也稱文公子明

也免桓公大子公疾病而亂作國人分散故再赴

夏齊侯鄭伯朝于紀欲以襲之紀人知之王奪鄭

伯政鄭伯不朝奪不使知王政秋王以諸侯伐鄭鄭伯禦

之王為中軍號公林父將右軍蔡人衛人屬焉林父王卿也

周公黑肩將左軍陳人屬焉黑肩周也鄭子

元請為左拒以當蔡人衛人子元鄭公為右拒以

當陳人曰陳亂民莫有鬪心若先犯之必奔王卒

顧之必亂蔡衛不枝固將先奔不能相枝持也既而萃於

王卒可以集事從之萃聚也曼伯為右拒曼伯祭

仲足為左拒原繁高渠彌以中軍奉公為魚麗之

陳先偏後伍伍承彌縫司馬法車戰二十五乘為偏以車居前以伍次之承

偏之隙而彌縫闕漏也五戰于緡葛緡葛鄭地命二拒

曰澹動而鼓將之麾也執以為號令蔡衛陳皆

奔王卒亂鄭師合以攻之王卒大敗祝聃射王中

肩王亦能軍雖軍敗身傷猶殿祝聃請從之公曰

君子不欲多上人況敢陵天子乎苟自救也社稷

無隕多矣鄭於此收夜鄭伯使祭足勞王且問左

右祭足即祭仲之字蓋名仲字仲足也勞仍叔之

子弱也仍叔之子來聘童子將命無速反之心秋

大雩書不時也十二公傳唯此年及襄二十六年

以指事故重言凡祀通下三句凡祀啓蟄而郊天地宗廟之事也

注非

啓蟄夏正建寅龍見而雩龍見建巳之月蒼龍宿

盛待雨而大故祭天始殺而嘗建酉之月陰氣始

遠為百穀祈膏雨宗廟於閉蟄而烝建亥之月昆蟲閉戶萬物皆成可

矣過則書節則書以譏慢也冬淳于公如曹度其

國危遂不復淳于州國所都城陽淳于縣也國有

六年春正月寔來寔實也不言州公者承上五

從可夏四月公會紀侯于成鉅平縣東南秋八

月壬午大閱齊為大國以戎事徵諸侯之成嘉美

魯人懼之故以蔡人殺陳佗佗立踰年不稱爵者

非時簡車馬蔡人殺陳佗奠立未會諸侯也傳

例在莊二十二年九月丁卯子同生桓公子莊公也十二

之長子備用大子之禮故史書始生也冬紀侯來朝公唯子同是適夫人

**六年春自曹來朝書曰寔來不復其國也**亦承五年

冬傳淳于公如曹也言奔則來行朝禮言朝則遂留不去故變文言寔來楚武王侵隨

隨國今義陽隨縣使遠章求成焉遠章楚大夫軍於瑕以待之

瑕隨地隨人使少師董成少師隨大夫董正也鬬伯比言於楚

子曰吾不得志于漢東也我則使然鬬伯比楚大夫令尹子文

之我張吾三軍而被吾甲兵以武臨之彼則懼而

協以謀我故難聞也漢東之國隨為大隨張必棄

小國張自後大也小國離楚之利也少師侈請羸師以

張之羸弱也熊率且比曰季梁在何益熊率且比楚大夫季梁隨

賢鬬伯比曰以為後圖少師得其君言季梁之諫不過一見從

隨侯卒當以少師為計故云以為後圖二年蔡侯鄭伯會于鄧始懼楚楚子自此遂盛終於抗衡中

國故傳備言其事以終始之王毀軍而納少師從伯比之謀少師歸

請追楚師隨侯將許之信楚也季梁止之曰天方授

楚楚之羸其誘我也君何急焉臣聞小之能敵大

也小道大淫所謂道忠於民而信於神也上思利

民忠也祝史正辭信也正辭不虛稱君美今民餒而君逞

欲也逞快祝史矯舉以祭臣不知其可也詐稱功德以欺鬼神

公曰吾牲牲肥腍粢盛豐備何則不信也牲牛羊豕也純色

完全也膳亦肥也黍稷曰粢在器曰盛對曰夫民神之主也言鬼神

民而是以聖王先成民而後致力於神故奉牲以

告曰博碩肥腍謂民力之普存也博廣也碩大也謂其畜

之碩大蕃滋也謂其不疾疫蠹也謂其備腍咸有

也雖告神以博碩肥腍其實皆當兼此四謂民力適完則六畜既大而滋也皮毛無疥癬兼備而

無有所關奉盛以告曰絜粢豐盛謂其三時不害而民

和年豐也三時春夏秋奉酒醴以告曰嘉粟旨酒嘉善也粟

謹敬也謂其上下皆有嘉德而無違心也所謂馨香

無讒慝也馨香之遠聞故務其三時脩其五教父義母慈兄友

弟恭親其九族以致其禋祀禋絜敬九族謂外祖

子孝妻父妻母姑之子姊妹之子女子之子於是乎民

和而神降之福故動則有成今民各有心而鬼神

乏主民飢餓也君雖獨豐其何福之有君姑脩政而親

兄弟之國庶免於難隨侯懼而脩政楚不敢伐夏

會于成紀來諮謀齊難也齊欲滅紀紀北戎伐齊齊

侯使乞師于鄭鄭太子忽帥師救齊六月大敗戎

師獲其二帥大良少良甲首三百以獻於齊甲首被甲

者於是諸侯之大夫戍齊齊人饋之餼餼生曰使魯

為其班後鄭班次也魯親班齊饋則亦使大夫戍齊矣經不書蓋史闕文鄭忽

以其有功也怒故有郎之師郎師在十年公之未昏於

齊也齊侯欲以文姜妻鄭太子忽太子忽辭人問

其故太子曰人各有耦齊大非吾耦也詩云自求

多福詩大雅文王言求福由已非由人也狂我而已大國何為君子

曰善自為謀言獨聚其身謀不及國及其敗戎師也齊侯又

請妻之欲以他女妻之固辭人問其故太子曰無事於齊

吾猶不敢今以君命奔齊之急而受室以歸是以

師昏也民其謂我何言必見怪於民遂辭諸鄭伯假父之命以為

生以天子生之禮舉之接以大牢大牢牛羊豕也

適適也卜士負之士妻食之禮世子生三日卜士負之射人以桑弧蓬矢射天地

四方卜士之妻為乳母公與文姜宗婦命之世子生三月君夫人沐浴於外

寢立於阼階西鄉世婦抱子升自西階君命之乃降蓋同宗之婦

公問名於申繻

對曰名有五有信有義有象有假有類申繻魯大夫以

名生為信若唐叔虞魯公子友以德命為義若文王名發武王名發以

類命為象若孔子首取於物為假若伯魚生人有

取於父為類若子同生有不以國國君之子不

不以官不以山川不以隱疾隱痛疾患不以畜

牲六畜牲不以器幣幣玉周人以諱事神名終將諱

之君父之名固非臣子所斥然禮既卒哭以木鐸

以官則廢職以山川則廢主以畜牲

則廢祀名羊則廢羊以器幣則廢禮晉以僖侯廢

司徒僖侯名司徒宋以武公廢司空武公名司空

先君獻武廢二山是以

大物不可以命公曰是其生也與吾同物命之曰

同物類也冬紀侯來朝請王命以求成于齊公告

不能紀微躬不能自通於天子欲因公

經七年春二月己亥焚咸丘魯地高平鉅野縣南

有咸亭譏夏穀伯綏來朝鄧侯吾離來朝不總稱

傳七年春穀伯鄧侯來朝名賤之也辟陋小國賤

行朝禮故經書夏乃夏盟向求成于鄭既而背之盟

二邑各隱十一年王以與鄭故求與鄭成

秋鄭人齊人衛人伐盟向王

遷盟向之民于郊曲沃伯武公也

之小子侯哀侯子冬曲沃伯誘晉小子侯殺

經八年春正月己卯烝無傳此夏之仲月非為過而書者為下五月復烝見

在五年例天王使家父來聘無傳家父天子大夫家氏父字夏五月

丁丑烝無傳秋伐邾無傳冬十月雨雪無傳今八月祭也書時失

公來遂逆王后于紀祭公諸侯為天子三公者王使魯主昏故祭公來受命而迎也天子無外故因稱王后卿不書舉重略輕

傳八年春滅翼曲沃滅之隨少師有寵楚鬬伯比曰可

矣讎有釁不可失也釁瑕隙也無德者寵國之釁也夏楚子合諸

侯于沈鹿沈鹿楚地黃隨不會黃國今陽縣使遠章讓黃責其

不會楚子伐隨軍於漢淮之間季梁請下之弗許而

後戰下之請服也所以怒我而怠寇也少師謂隨侯曰

必速戰不然將失楚師隨侯禦之望楚師遙見楚師季

梁曰楚人上左君必左君楚君也無與王遇且攻其右

右無良焉必敗偏敗眾乃攜矣少師曰不當玉非

敵也弗從不從季梁謀戰于速杞隨師敗績隨侯逸速杞

隨地逸鬬丹獲其戎車與其戎右少師鬬丹楚大夫戎車君

所乘兵車也戎右車秋隨及楚平楚子將不許鬪

伯比曰天去其疾矣去疾謂少師見獲而死隨未可克也乃

盟而還冬王命虢仲立晉哀侯之弟緡于晉虢仲王卿

祭公來遂逆王后于紀禮也天子娶於諸侯使同姓諸侯為

命於魯故曰禮

經九年春紀季姜歸于京師季姜桓王后也季字

夏四月秋七月冬曹伯使其世子射姑來朝

曹伯有疾故使其子來朝

傳九年春紀季姜歸于京師凡諸侯之女行唯王

后書為書婦人行例也適巴子使韓服告于楚請

與鄧為好韓服巴行人巴國楚子使道朔將巴客

以聘於鄧道朔楚大夫鄧南鄙鄧人攻而奪之幣

殺道朔及巴行人楚子使遠章讓於

鄧鄧人弗受言非鄧人所攻夏楚使鬬廉帥師及巴師圍

鄧鬬廉楚大夫鄧養甥聘甥帥師救鄧三逐巴師不克

鬬廉衡陳其師於巴師之中以戰而北衡

鄧人逐之背巴

師而來攻之楚師偽走鄧師逐之背巴師鄧師大



敗鄆人宵潰宵夜也秋號仲芮伯梁伯荀侯賈伯伐

曲沃梁國在馮翊夏陽縣荀賈皆國名冬曹太子來朝賓之以上

卿禮也諸侯之適子未誓於天子而攝其君則以皮帛繼子男故賓之以上卿各當其國之

卿享曹太子初獻樂奏而歎酒始獻施父曰曹太子

其有憂乎非歎所也施父魯大夫

**經**十年春王正月庚申曹伯終生卒未同盟而夏赴以名

五月葬曹桓公無傳秋公會衛侯于桃丘弗遇無傳

與公為會期中背公更與齊鄭故公獨往而不冬相遇也桃丘衛地濟北東阿縣東南有桃城

十有二月丙午齊侯衛侯鄭伯來戰于郎改侵伐而書來

戰善魯之用周班惡三國討有辭

**傳**十年春曹桓公卒終施父之言號仲譖其大夫詹父

於王號仲王卿士詹父屬大夫詹父有辭以王師伐號夏號公

出奔虞虞國在河東大陽縣秋秦人納芮伯萬于芮四年圍魏所執

者初虞叔有玉虞叔虞公之弟虞公求旃旃之也弗獻既而

悔之曰周諺有之匹夫無罪懷璧其罪人利其璧以璧為罪

吾焉用此其以賈害也賈買也乃獻之又求其寶劔

叔曰是無厭也無厭將及我將殺我遂伐虞公故虞

公出奔共池共池地名闕冬齊衛鄭來戰于郎我有辭

也初北戎病齊在六諸侯救之鄭公子忽有功焉

齊人餽諸侯使魯次之魯以周班後鄭鄭人怒請

師於齊齊人以衛師助之故不稱侵伐不稱侵伐而以戰為

文明魯直諸侯曲故言我有辭以禮自釋交緩而退無敗績先書齊衛王爵也

鄭主兵而序齊衛下者以王爵次之也春秋所以見魯猶秉周禮

**經**十有一年春正月齊人衛人鄭人盟于惡曹惡曹

地夏五月癸未鄭伯寤生卒同盟于元年赴以名秋七月葬

鄭莊公無傳三月九月宋人執鄭祭仲祭氏仲名

聽迫脅以逐君罪之也行人突歸于鄭突厲公也

例在襄十一年釋例詳之

故曰歸例在成十八年不稱公鄭忽出奔衛忽昭

子從告也文連祭仲故不言鄭

莊公既葬不稱爵者鄭人賤之以名赴

無傳柔魯大夫未賜族者蔡公會宋公于夫鍾無傳

叔蔡大夫叔名也折地關公會宋公于夫鍾無傳

夫鍾地冬十有二月公會宋公于闕無傳闕魯地在

**傳**十一年春齊衛鄭宋盟于惡曹宋不書楚屈瑕

將盟貳軫貳軫二鄭人軍於蒲騷將與隨絞州蓼

伐楚師鄭國在江夏雲杜縣東南有鄭城蒲騷鄭

今義陽棘陽縣莫敖患之莫敖楚官鬬廉曰鄭人

東南湖陽城

軍其郊必不誠且曰虞四邑之至也虞度也四邑隨絞州蓼也

邑亦國也君次于郊郟以禦四邑君謂屈瑕也郊郟楚地我以銳

師宵加於鄭鄭有虞心而恃其城恃近其城莫有鬪志

若敗鄭師四邑必離莫敖曰盍請濟師於玉盍何不也

濟蓋也對曰師克在和不在衆商周之不敵君之所

聞也商紂也周武王也傳曰武王有亂臣十人紂有億兆夷人成軍以出又何

濟焉莫敖曰卜之對曰卜以決疑不疑何卜遂敗

鄭師於蒲騷卒盟而還卒盟貳軫鄭昭公之敗北戎也

在六齊人將妻之昭公辭祭仲曰必取之君多内

寵子無大援將不立三公子皆君也子突子亶子儀之母皆有

寵弗從夏鄭莊公卒初祭封人仲足有寵於莊公

祭鄭地陳留長垣縣東北有祭城封人守封疆者因以所守為氏莊公使為卿為

公娶鄧曼生昭公故祭仲立之曼鄧姓宋雍氏女於

鄭莊公曰雍姑生厲公也雍氏姑姓宋大夫也雍氏宗

有寵於宋莊公故誘祭仲而執之祭仲之如宋非會非聘見誘而

以行人曰不立突將死亦執厲公而求賂焉祭仲

與宋人盟以厲公歸而立之秋九月丁亥昭公奔

衛己亥厲公立

經十有二年春正月夏六月壬寅公會杞侯莒子

盟于曲池曲池魯地魯國汶陽縣北有曲水亭秋七月丁亥公會宋

公燕人盟于穀丘穀丘宋地燕人南燕大夫八月壬辰陳侯躍

卒無傳厲公也十一年與魯大夫盟於柝不書葬魯不書也壬辰七月二十三日書於八月從赴

公會宋公于虛虛宋地冬十有一月公會宋公于龜

龜宋地丙戌公會鄭伯盟于武父武父鄭地陳留濟陽縣東北有武父

城丙戌衛侯晉卒無傳重書丙戌非義例因史成文也未同盟而赴以各十

有二月及鄭師伐宋丁未戰于宋既書伐宋又重書戰者以見宋

之無信也莊十一年傳例曰皆陳日戰尤其無信故以獨戰為文

傳十二年夏盟于曲池平杞莒也隱四年莒人伐杞自是遂不平

公欲平宋鄭秋公及宋公盟于句瀆之丘句瀆之丘也宋以立厲公故多責宋成未可知也故又會

于虛冬又會于龜宋公辭平故與鄭伯盟于武父賂于鄭鄭人不堪故不平

宋公貪鄭賂故與公三會而卒辭不與鄭平遂帥師而伐宋戰焉宋無

信也君子曰苟信不繼盟無益也詩云君子屢盟

亂是用長無信也詩小雅言無信故數盟數盟則情疏情疏則憾結故云長亂

楚伐絞軍其南門莫敖屈瑕曰絞小而輕輕則寡

謀請無扞采樵者以誘之扞衛也樵薪也從之絞人獲三

十人獲楚人也明日絞人爭出驅楚役徒於山中楚人

坐其北門而覆諸山下坐猶守也覆設伏兵而待之大敗之為

城下之盟而還城下盟諸侯所深恥伐絞之役楚師分涉於

彭彭水在新羅城昌魏縣羅人欲伐之使伯嘉謀之三巡數之

羅熊姓國在宜城縣西山中後徙南郡枝江縣伯嘉羅大夫謀伺也巡徧也

**經**十有三年春二月公會紀侯鄭伯巳巳及齊侯

宋公衛侯燕人戰齊師宋師衛師燕師敗績大崩日敗

績例在莊十一年或稱人或稱師史異辭也三月衛宣公未葬惠公稱侯以接鄰國非禮也

葬衛宣公無傳夏大水無傳秋七月冬十月無傳

**傳**十三年春楚屈瑕伐羅鬬伯比送之還謂其御

曰莫敖必敗舉趾高心不固矣趾足也遂見楚子曰

必濟師難言屈瑕將敗故以益師諷諫楚子辭焉不解其旨故拒之入告

夫人鄧曼鄧曼曰大夫其非眾之謂鄧曼楚武王夫人言伯比

意不在於益眾也其謂君撫小民以信訓諸司以德而威

莫敖以刑也莫敖狃於蒲騷之役將自用也狃快也蒲

騷役在十一年必小羅君若不鎮撫其不設備乎夫固謂

君訓眾而好鎮撫之撫小民以信也召諸司而勸之以令

德訓諸司以德也見莫敖而告諸天之不假易也諱之也言天不

借資慢易之人威莫敖以刑也。不然夫豈不知楚師之盡行也？楚

子使賴人追之，不及。賴國在義陽隨縣。賴人仕於楚者。莫敖使徇

于師，曰：諫者有刑。徇，宣也。及鄢亂次以濟。鄢，水在襄陽宜城縣。

入漢遂無次，且不設備。及羅羅與盧戎兩軍之。盧戎，南蠻。

大敗之。莫敖縊于荒谷，羣帥囚于冶父。縊，自經也。荒谷，冶父。

皆楚地以聽刑。楚子曰：孤之罪也，皆免之。宋多責賂

於鄭，立突鄭不堪命，故以紀魯及齊與宋衛燕戰

不書所戰後也。公後地期而及其戰，故不書所戰之地。鄭人來請脩

好。

經 十有四年春正月公會鄭伯于曹。脩十二年武父之好，以曹

地曹與會無冰。無傳書時失。夏五，鄭伯使其弟語來

盟。秋八月壬申，御廩災。御廩，藏公所親耕以奉粢盛之倉。天火曰災。例在宣

十六年乙亥嘗。先其時亦過也。既成日，致齊廩雖災，苟不害嘉穀，則祭不應廢，故書以示

法。冬十有二月丁巳，齊侯祿父卒。無傳，隱六年盟于艾。宋人

以齊人蔡人衛人陳人伐鄭。凡師能左右之曰以。例在僖二十六年。

傳 十四年春會于曹，曹人致餼禮也。餼，日饗。夏鄭

子人來尋盟，且脩曹之會。子人，即弟語也。其後為子人氏。秋八月

壬申，御廩災。乙亥嘗，書不害也。災其屋，救之則息不及穀，故曰書不

注原 難一 難御 難災 災

冬宋人以諸侯伐鄭報宋之戰也在十焚渠門

入及大逵渠門鄭城門伐東郊取牛首東郊鄭鄭邑牛首鄭邑

以大宮之椽歸為盧門之椽大宮鄭祖廟盧門宋城門告伐而不告入

取故不書

**經**十有五年春二月天王使家父來求車三月乙

未天王崩無傳桓夏四月己巳葬齊僖公無傳五月

鄭伯突出奔蔡突既篡立權不足以自固又不能

故以自奔為文罪鄭世子忽復歸于鄭忽實居君之位也例在昭三年

以復其位之例為文也稱世子者忽為太子有母氏之寵宗卿之援有功於諸侯此太子之盛者也

而守介節以失大國之助知三公子之強不從祭仲之言修小善繫小行從匹夫之仁忘社稷之大計故君子謂之善自為謀言不能謀國也父卒而不能自君鄭人亦不君之出則降各以赴入則逆以天子之禮始於見逐終於見殺三公子更許叔立亂鄭國者實忽之由復歸例在成十八年

入于許許叔莊公弟也隱十一年鄭使許大夫奉許叔

人嘉之以字告也叔本不公會齊侯于艾邾人牟

人葛人來朝無傳三人皆附庸之世子也其君應

縣葛國在梁國秋九月鄭伯突入于櫟櫟鄭別都

寧陵縣東北冬十有一月公會宋公衛侯陳

陽翟縣未得國直侯于袤伐鄭袤宋地在沛國相縣西

書入無義例也

南先行會禮而後伐也

**傳**十五年春，天子使家父來求車，非禮也。諸侯不

貢車服。車服，上之所以賜下。天子不私求財。諸侯有常職，貢祭仲專。

鄭伯患之，使其婿雍糾殺之。將享，諸鄭雍姬知之。

謂其母曰：「父與夫孰親？其母曰：「人盡夫也。父一而

已，胡可比也？」婦人在室則天，父出則夫。夫女遂告。

祭仲曰：「雍氏舍其室而將享于於郊，吾感之以告。」

祭仲殺雍糾尸，諸周氏之汪。汪，池也。周氏鄭大夫，殺而暴其尸以示戮。

也。公載以出。怒其見殺，故載其尸共出國。曰：「謀及婦人，宜其死。」

也。夏，厲公出奔蔡。六月乙亥，昭公入許，叔入于許。

公會齊侯于艾，謀定許也。秋，鄭伯因櫟人殺檀伯，

而遂居櫟。檀伯，鄭守櫟大夫。冬，會于袤，謀伐鄭，將納厲公

也，弗克而還。

**經**十有六年春，正月，公會宋公、蔡侯、衛侯于曹。夏，

四月，公會宋公、衛侯、陳侯、蔡侯，伐鄭。春既謀之，今書會者，魯諱。

上今序陳下，蓋後至。**秋**七月，公至自伐鄭。用飲至之禮，故

書冬城向。傳曰：書時也。而下有十一月，但舊說因謂

各隨本而書之。耳。經書夏叔弓如滕，五月葬，滕成

公傳云：五月叔弓如滕，即知但稱時者，未必與下

月異也。又推按此年閏在六月，則月却而節前，水

星可在十一月而正也。詩云：定之方中，作于楚宮。



此未正中中也功役之事皆總指天象不與言  
歷數同也故傳之釋經皆通言一時不月別

一月衛侯朔出奔齊惠公也朔讓構取國故  
不言二公子逐罪之也

**傳**十六年春正月會于曹謀伐鄭也前年冬謀納  
厲公不克故

復更夏伐鄭秋七月公至自伐鄭以飲至之禮也

冬城向書時也初衛宣公烝於夷姜生急子夷姜  
宣公

之庶母也  
上淫曰烝屬諸右公子為之娶於齊而美公取之

生壽及朔屬壽於左公子左右勝之子  
因以為號夷姜縊失  
籠

而自  
經死宣姜與公子朔構急子宣姜宣公所取急子  
之妻構會其過惡

公使諸齊使盜待諸莘將殺之莘衛地陽平縣  
西北有莘亭壽

子告之使行行去不可曰棄父之命惡用子矣惡

也有無父之國則可也及行飲以酒壽子載其旌

以先盜殺之急子至曰我之求也此何罪請殺我

乎又殺之二公子故怨惠公十一月左公子洩右

公子職立公子黔牟黔牟羣  
公子惠公奔齊

**經**十有七年春正月丙辰公會齊侯紀侯盟于黃

黃齊地二月丙午公會邾儀父盟于越越魯地稱字  
義與莒盟同

二月無丙午丙午三月  
四月也日月必有誤夏五月丙午及齊師戰于

奚奚魯地皆  
陳曰戰六月丁丑蔡侯封人卒十一年大秋  
夫盟于拆秋

八月蔡季自陳歸于蔡季蔡侯弟也言癸巳葬蔡

桓侯無傳稱侯蓋謬及宋人衛人伐邾冬十月朔

日有食之甲乙者歷之紀也晦朔者日月之會也

可推故日食必以書朔且為例

傳十七年春盟于黃平齊紀且謀衛故也齊欲滅

其及邾儀父盟于越尋蔑之盟也蔑盟在夏及齊

師戰于奚疆事也爭疆也於是齊人侵魯疆疆吏來

告公曰疆場之事慎守其一而備其不虞虞度也

不意也姑盡所備焉事至而戰又何謂焉齊背盟而來公以信

待故不蔡桓侯卒蔡人召蔡季于陳桓侯無子故

季內得國人之望外有諸侯之助秋蔡季自陳歸

于蔡蔡人嘉之也嘉之故伐邾宋志也邾宋爭疆

背越之盟冬十月朔日有食之不書日官失之也天子

有日官諸侯有日御日官日御日官居卿以底日

禮也日官天子掌歷者不在六卿之數而位日御

不失日以授百官于朝日官平歷以授百官

初鄭伯將以高渠彌為卿昭公惡之固諫不聽昭

公立懼其殺已也辛卯弒昭公而立公子亶公子

之也

公子謂昭公知所惡矣，公子達曰：「魯大夫高伯。」

其為戮乎，復惡已甚矣。復重也。本為昭公所惡，而復弑君，重為惡也。

**經** 十有八年春，王正月，公會齊侯于濼。濼水在齊南，歷城縣。

西北公與夫人姜氏遂如齊。公本與夫人俱行至濼，公與齊侯行會禮。

故先書會濼，既會而相隨至齊，故曰遂。夏四月，丙子，公薨于齊。不詳。

之也。戕例在宣十八年。丁酉，公之喪至自齊。無傳，告廟也。丁酉，五月一日。

日而秋七月，冬十有二月，己丑，葬我君桓公。無傳。

乃葬緩慢也。

**傳** 十八年春，公將有行，遂與姜氏如齊。始議申繻行事。

曰：女有家，男有室，無相瀆也。謂之有禮，易此必敗。

女安夫之家，夫安妻之室，違此則為瀆。今公將姜氏如齊，故知其當致禍亂。公會齊侯

于濼，遂及文姜如齊。齊侯通焉，公譴之。譴，譴也。以告

夫人告齊侯。夏四月，丙子，享公。齊侯為公設享燕之禮。使公子彭

生乘公，公薨于車。上車曰乘。彭生多力，拉公幹而殺之。魯人告于齊

曰：寡君畏君之威，不敢寧居，來修舊好，禮成而不

反，無所歸咎，惡於諸侯，請以彭生除之。除，恥辱也。齊

人殺彭生。不書，非卿。秋，齊侯師于首止。陳師首止，討鄭

地陳留襄邑縣。子豐會之。高渠彌相。不知齊，欲討已。七月，

戊戌齊人殺子壹而轅高渠彌車裂祭仲逆鄭子

于陳而立之鄭子昭公是行也祭仲知之故稱疾

不往人曰祭仲以知免仲曰信也時人譏祭仲失忠臣之節

子壹為渠彌所立本既不正又不能固位安民宜其見除故即而然譏者之言以明本意周公

欲弑莊王而立王子克莊王太子王辛伯告

王遂與王殺周公黑肩王子克奔燕辛伯周初子

儀有寵於桓王桓王屬諸周公辛伯諫曰竝后妾

匹嫡庶如嫡兩政臣擅命耦國都如國亂之本也周公

弗從故及及於難也春秋左傳卷二

